




04166

謙谷集卷第五

硤石看梅二首

以下



籬落踈踈午更烟半灘殘雪轉輕船東山已白西山未寒  
暖因君一憮然

竹裏新泉松下磴醒來明月夢中雲何人縛却孤茅住一  
曲清溪欲遣分

餘閒堂梅花

寂寂誰相顧亭亭晚欲稀雪消時啅雀地僻鎮關扉遠思  
愁千疊清光月一圍銜杯真為汝故故點春衣

晚步值村叟話

炊烟縷縷碧竹樹成一林看花偶然至此處斜陽深主人

謙谷集卷五

一

髮初白出籬援客襟老榆根可坐款語情相欽耕桑有要  
術婚嫁無俗心依依問答餘樂味誠堪尋天地自春色古  
風猶至今如何城市居日受氛埃侵

喜豫堂南歸

歲晚相思雨雪頻五湖歸日柳條春金庭射策青袍故綵  
服承顏白髮新谷號愚公還可賦家儲甌石未全貧著書  
至竟鄉山好燈火中間話轉親

題八大山人画

慣作佯狂哭王孫逸氣無墨花生老蚌中定有明珠

餅花

素手誰攀折新英到古餅几雲香掩冉梁月影娉婷夢老  
莊周蝶春深孔雀屏沉吟一杯酒相對味餘馨

題王勤中画冊三首

玉毬繡出好玲瓏不是人間刻劃工三五月明無睡夜只  
愁落去太息息

將離名字最生憎紅影翻堦態不勝画取折枝誰可贈一  
杯婪尾自懜騰

涉江何處折芳馨葭葉猶包未展青為惜十分花易卸特  
將一藥出遙汀

豫堂至

灣頭楊柳烟喜泊孝廉船老驢能千里奔波向十年草堂  
新筍入花筵夕陽蕉別後多幽憤當杯重慨然

贈陳秀才漁所

繇來名父子年少迥殊倫詣直亭亭上文能鏃鏃新青雲  
應得路芳樹願為隣短懼谿頭駐多慚病後身

謙谷集卷五

二

題祝緘齋画

幻出阿羅漢龍眠與禪月松窗就曉涼腕底心若髮

安樂堂

前驅袴褶誰新粧能驕能妬寵莫當真龍在身謬病痞鈞  
治使謫西宮芴西宮旁安樂堂龍生不溺天周防西宮哺  
養邇尤密胎髮綉綉他室藏無兒有兒發所藏一朝天子  
照鑑傷黃袍有鬚是兒父小車昇去何倉皇兒來牽衣被  
髮走泣兒類父還憐母詔移永壽暫承歡毒魃俄驚一杯  
酒兒父心知不敢言兒母飲恨歸黃泉祇應勿食貴妃食  
門監仍餘張敏憐

張家灣

偏頭關下花含藥，珠一串，蒙天喜將軍威武適南征。美人竝載春無比，美人自泊潞河舟，將軍先發渡盧溝。一簪脫贈且爲信，迎妾簪來否？則休盧溝失簪索，不得却使中官口宣救灣頭。見使不見簪，妾信未明何以南。六龍一夜臨清駐，單舸親馳載將去。妙女風心百結，牢官家韻事全身露。南行寺觀繡幡舒，媒媪泥金署字俱。取傳馳突揚州郭，玉面還多諫獵書。

高元殿

神光煜燭星君祠，三千雨露身有之。香銜報謝天日朗，邀取君王設誓辭。迎禧竟冊都人子，溫肅猶傳抑恩禮。賸使呼兒目已背，可憐扶鑰門初啟。千秋上壽留難必，獄閹顛差號。平教屈膝藉藉訛言鄭，福成冥冥數定朱。東吉倉皇事

謙谷集卷五

三

去又移宮攀絕龍，髯那得封闕門一掬。春風淚未抵傷心，玉合蟲

夏日華及堂八詠

假山

苔蘚百年蒼蔓出，張老作壺中九華如小。有洞天若上植淮南樹，時來王母雀豈無雲氣生。擁我入盧霍

古井

圃窄不可池，靈液寶一竇。澄之必丹砂，啜之堪老壽。蹠躡鑿亦得梧桐落，落還後汲華滲盈山。奚慮炎日逗

石枰

天然隱方罍，塔馬對清客。旁着爛柯翁，三笑心莫逆。葛衫凭初冷，松風洒成夕。髣髴北碕亭，飛上鷺鷥白。

櫻拂

密結海櫻毛條條風振朔未爛蒼蠅驅耶替玉塵捉午枕  
夢徐徐水牕揮數數即恐棄捐先涼螢入秋幄

盆荷

瓦沼不自量挹注纔扶寸為植齒昔香得蒙君子論無須  
涉江學亦足釋塵盆七澤少根株竒服此焉遜

桐花

多情雙青桐寒食早黃蘗軒窗暑漸深月露香不已蟬虛  
羃塵垂薜冷惺忪委長謠故人詩飢鳳近何似

癸丑夏豫  
堂坤一讀

書小園同賦華  
及堂桐華歌

白萼

罷浴院聞香石畔一叢妥烟葉擁翠莖月英含深朶夜靜

謙谷集卷五

四

覺秋生檐虛誰獨坐莫自采伊看觸卻搔頭墮

并問

執拂敞尚珍製鞵遠初供不如車輪陰直向溪堂種戰風  
葉葉涼溜雨絲絲重攢叢石徑青政愛江淹頌

為受銘寫棋并題

前身明月復何云踈處相逢靜處聞絕愛此花純骨勝枯  
毫淡墨寫貽君

過孟兄 賜書堂看盆蘭

架滿鄴侯軸風生陶令牕福州分蕙箭定武拭磁缸梧竹  
還相對清涼未可雙養疴方却掃檐雨晚淙淙

語溪道中

壘石城門晚迎霜驛舍寒蘆花憐汝白竹葉泥誰寬險健

違天水嫌疑誤履冠夕陽前路渺去住總無端

煮茶亭遺址

南湖南坪入藕葉藕花交淪此色香味鬢子幻影泡遠帆  
秋水際歸鳥夕陽梢且對風鐺坐無煩戴酒肴

乳巢戴酒南湖招沈大苔原錢七坤一看芙蓉二

首

大好湖光鏡面澄朱霞一片已朝興玉壺送酒休催迫過  
雨船牕各自凭

醉眼呈星射綠波分披左右受風多儂家自有江南弄未  
許湘纍入怨歌

淨慈寺

松栝南山路秋風舍棹登翠屏環古刹昏磬禮高僧江月

謙谷集卷五

五

浮光淺湖雲結思澄低徊閱諸品經閣漏明燈

秋日雜感三首

昏昏武林雨草艸寓堂秋非意能相遣今朝直欲愁人言  
市有虎夜珠壑藏舟且復遲新月開樽湖上樓

試咏采苓什眞蒙失脯疑植躬胡不檢閱世竟多厄雀語  
頻遷樹鷗眠只戀池物微端所好猶惜羽毛爲

暗數流光駛頻驚怪事牽身名堪愛惜蘭玉要芳堅蟲急  
雨風夜月高鴻雁天奮飛寧有翼刺促那相纏

張鐵橋画馬

兩株風柳春乍絲坡草翦碧桃花時柳陰兩馬不是馬吐  
吞虹氣幽并兒久看一白喂一黑黑爲墨光白紙色閒身  
空地嬉且驕頸鬣相磨尾南北張公東莞老布衣身長三

尺蠖晴暉賦詩擊劍酒百斛醉殺能掃驂騮飛即如此幅  
亦豪縱馬骨人心雄欲動請君莫說將軍曾千載唾壺同  
一痛

懷俞厚叔大同

萬里浮雲合思君獨上臺桑乾河上雁辛苦寄書回

長歌行

蓬萊使誠有徐市胡不還百齡信如寄况劇憂患端天地  
為我籠奮飛良獨難營營後近務壯士乏好顏先民豈不  
死言笑生簡編其名壽萬古其骨埋黃泉虫虫但橫目何  
用遐汝年停觴問明月惻愴將奚安

短歌行

長風摧林嚴霜被野悚然悲來淚下盈把丈夫七尺帶鏃

謙谷集卷五

六

高冠富貴自有曷其不懽救我庖厨召我親友鏗明夜良  
不如飲酒毋言俄頃聊用敖游棄之可惜挽之不留積麴  
成封二豪侍側齷齪而生滑稽猶得拂衣奮袂我舞爾歌  
東流之水明朝柰何

鞠歌行

和氏璞荆山璆寶光燭天長虹流蒼山峩碧水悠非鍾非  
牙胡相求時不遇歲已邁持照鏡背明難投鹽車殺虞坂  
頭衆人之遇國士羞思公子采芳洲焉得相保盡綢繆

當來日大難

日黑秉燭樂且不徐將倚翠旒駕雲輿往從之列仙癯渴  
不飲饑不餐餐玉飲露崑崙之巔人間可哀勿復相思螻  
蛄旦晝膠擾胡為

題菊花

傲節由來不畏寒，經霜秀色最堪餐。  
籬根點點秋光老，只許詩人醉後看。

書華及堂視昔編後二首 有序

先大父碧巢先生手輯舊雨諸君子在梧桐鄉倡酬之什，萃為斯刻。吳江俞南史、鹿床徐崧、臞菴嘉興周篔簹、谷沈進藍村長洲俞瑒、旅農常熟顧文淵、雪坡凡六家各系小傳，寒牕檢讀，用志卷末。

雅集浮谿谷，自環風流未絕。主賓間論交，要復雙金似可。但圭塘與玉山。

雲散吟窩，落月寒書存。還當故人看溪南，大有中州例。後世相知未是難。

謙谷集卷五

七

春夜同王五錢七仲兄宿綠谿莊二首 以下辛酉

翻竹鳥聲已靜入，牕梅萼逾妍。深宵坐添高燭薄，醉愁分短箋。

故人長安歸好，即日春風別。何聯牀，且同清夢嫁女難。憑阿婆。

讀書嘉樂堂

稍得清淨理，深便水竹居。卷簾籬燕出，對酒暮花舒。解脫謝人事，從容讀我書。流年行及壯，那不惜居諸。

老研

不椎魯，少眉嫵。稱身紫衣腰帶古，飲之墨獨相得終日。周旋寡修飾，會稽褚先生。中山毛穎談縱橫，脫無此老靜。憑軾公等未可懸，河傾養成木。雞德比玉大，知若愚矢勿告。



題無名氏山水二首

泉鳴石齒齒雲起松陰陰解帶一長嘯何人知此心  
空山誰與隣兀兀道書把落葉不開門先生方在野

峴山

魯公携客處窪石一亭高遠岫環如髻春湖暖勝醪看碑  
剝荒蘚聽曲涇青袍落日玉山倒詩成還獨豪

牡丹盛放招朱偶圃潛起鄭鄭圃楊博也集華及  
堂

紺碧猩紅繡一臺群芳掃盡獨遲開醜顏索遣臨風映舞  
袖真隣近席迴象外浮雲余豈問春來殘夢蝶頓猜穠華  
爛熳朋簪盍判飲何妨罄百杯

磨鏡篇

謙谷集卷五

八

墓前有寶鑑蒙然如始型塵埃久拂拭索照何由靈朝來  
力磨試光彩重生發蝦蟇雖無知未敢蝕明月懸之白晝  
厭山精鬚眉髻毛一一呈常時浮雲太滓穢糝糊豈不虛  
平生我今一泓秋水長寒淥何必市門先生來負局

冲之惠山水画扇

竹骨輕明勝李昭白雲青嶂路迢迢少文正愛西堂卧况  
與微風一動搖

夏夕

么鳳立庭堦猩紅濕露華晶盤煩碎搗春上牡丹芽

竹夫人

輾轉無他心冰肌自清暑常恐秋風生不得儂與汝

沈獅峰山水横幅

欲落不落木秋風江上寒欲到不到筆且作如是觀洞簫  
閒自擲陰符老猶看此中有真意揮斥成烟巒瀟灑侍玉  
皇何妨作達官

先生善吹簫慎上陰  
符經亦其行楷書也

### 查二瞻雙桐高士

桐枝不煩洗蔭地生古苔披風竦瘦骨冥心着寒灰掃此  
數筆秋撲人霜氣來巖居亦何悶仰視雲天開惜無囊中  
琴鶴立誰語哉

### 題外祖鵬洲先生遺照二首

覆松百尺捲濤寒袞袞諸公笑冷官片石坐來還自掃清  
詩改嚴情誰看

百年經籍傳諸舅常日家風問北堂貌得冲襟亦冰雪卷  
中秋水大清涼

### 謙谷集卷五

九

### 酬沈徵士申培見貽原韻

菰城問諸沈君獨性恬漠騏驎溷風埃璠璵韞厓略跼然  
履我階舉此松下酌夙耽古人操詎少名山業大雅廢淫  
哇真味屏營濛深譚脫畦畛雜坐忘主客是時槐雨新虛  
檐螢火灼風靜晚蘭舒月高天宇廓槃敦永今夕濤康逢  
作噩衡門斷車馬秋氣動蕭索疇爭蝸角名聊寄琴絲樂  
夫君抱奇材詎終老巖谷

### 贈潛起四十二首

琴書相門舊梧竹水堂深特立安時論相於愜素心歌成  
清似雪身許重於金試問高雲意庭柯已十尋  
松葉盈樽醞槐花滿院秋明朝過四十大道策驂騶省試  
同圓月湖香近小樓夜珠如可采相約遲芳洲

西陵雜感五首

寂莫心空西昝昂藏影獨憐驚颺衝戶冷豪月逼人圓鄉里  
浮沉誤泥塗耻辱偏嫌疑當自慎悔不倚先賢  
失意元杯酒追歡實禍萌也殊窺孟祖奚敢托狂生月苦  
庭花色霜淒巷柝聲北堂應未寢此際若為情  
鵲鴿求轉切惹以謫難分家難傷終訟輿情駭近聞急人  
須劇孟借客有朱雲化日多寬恕終令困木欣  
悶逐秋林積艱逾逆旅遭何當累薪水且復後號咷柔弱  
終為舌瑕疵竟在毛從茲悔兒戲行止漫隨曹  
捫心多悔事縱步乃窮途去去年非少茫茫月正孤曉來  
頻照鑑秋盡自傾壺一力仍依戀真煩惜病夫

懷秋試諸君

謙谷集卷五

十

風月原同夜憂懼那異閭臺雖多應手籠烏獨憐余苴履  
身何病南冠髮不梳曲江秋易盛容得北溟魚

苦雨

江怒濤翻屋城昏市入船千村秋稼淚一月溼薪烟乞米  
羈人躁祈晴大吏先何由豁陰沴蟾兔倚樓圓

燈影

四壁秋風立孤燈夜月懸此時迴一顧真覺受渠憐

十月

十月猶黃菊無人自濁醪狂題茅作筆冷坐絮裝袍獄急  
愁張網宵長念索綯村居好風味蘆渚縛霜螯

題豫堂燕臺新樂府二首

出入京華近十年飽經世態獨纏綿新毅脫手旗亭付要

取秦吟賽樂天

潦倒拚將筆研焚騷壇旗鼓却憐君不堪風雪荒城夜帳  
觸心兵酒畔聞

書陳龍川集後

詣闕數上書修明王霸略天子赫驚異种放徑無怍譚兵  
四座風今古了斟酌錢唐與金陵指畫形勝鑿再入大理  
獄羅織傷屈蠖終賴聖主知不死放邛壑晚年契文中閉  
關益淵博自謂一日長頗與諸儒各既蒙第進士三宮皆  
喜嗔僉書未及試浩氣歸冥漠雍雒朱呂業能者中道躍  
先生開闢才遺文豈糟粕經猷需濟急南渡奚可弱熊能  
短冊光髣髴霄漢薄

悅研舅氏從京師歸過舍

謙谷集卷五

二

亞字垣邊柳半枯長安雖好厭馳驅翻然書劍休為客渺  
爾烟波別有徒踏雪叩門三舍近更衣添酒一宵俱篋中  
漫續陶云草塵世鍾期得再無

先外祖鵬洲先生  
刻有胸云詩集

謙谷集卷第六

秀水 汪 筠 珊立

簡芑君以下壬戌

茗香閣主一青氈坐領春風近卅年大有子山枯樹句可  
無工部草堂錢看花檐酒且為樂仗劍出門真可憐誰分  
虞卿多著述未教縛却送窮船

輓張節母兼唁徵士瓜田二首

松栢東南翠艱難五十霜故家餘禮法同郡數錢張負米  
嗟行役牽裾戀井鄉那知游子淚一慟灑睢陽陳叔人賢

明教子而張以苦節  
食貧撫一孤藥宏詞

依然望雲返慘甚見星初天黑烏號樹城荒雪疊盧布衣  
天子召列女史官書不媿千秋事梅花繞墓疎

謙谷集卷六

題受銘石梁觀瀑圖

天台山無六月暑桃源却貯春風香君行不及桃花春冰  
雪自趁炎天涼其年 朝廷降明詔鴻儒徵起山林蔽草  
流上道應者各乃獨觀水凌石梁君才詎宜邛壑置金門  
可齒臣東方懸流如虹雷穀谷世外選境何蒼茫國清寺  
深楓枯冷曇華亭濕雲霞荒應真五百昔到此過橋每值  
袈裟裝海風江月浩終古了不收拾歸詩囊檣溪之權天  
喚與要寫匹練為文章山中無僊求亦得人間有暑逃何  
妨騰身欠踏華頂石未見日本紅搏桑瓜田外史老同癖  
手無金策心激昂三千尺泉一筆洒墨氣迴輪奔寒光斯  
游斯圖兩清絕轉憶雁宕兼括蒼東南靄秀盡攬結那復  
塵土生中腸

仲衡招潛起鄭圃受銘汎舟郭外余不果往爲賦

斷句二首

郭外鶯聲喚采蘭輕舸容與柳陰寒好天莫遣花枝卸賸  
與明朝得再看

門揜蒼苔嬾自由紫萼萋滑思芳洲情知酒琖撩人處一  
寸春心萬斛愁

程政宗貽余盆中海棠今年花發特盛詩以紀之  
前年山樵寄仙卉綠磁矮本盛春風佳種寧從海航得更  
非浙產垂絲紅成都妍華十萬樹燕支一樹來江東苔新  
泥深水泉足何意落我烟庭中尺柯玉茁萬蓓蕾重跼珠  
綴千玲瓏有香無香吹冉冉欲睡不睡愁息息園丁壅培  
識花性今年開較前年工高攏髻子卷綃薄嫩分瓜字疑  
脂豐書床携傷值粧曉錦屏卧對催樽空客來齊喚好顏  
色日斜自卷深簾櫳芳根澆酒恣憐惜來朝着雨愁溟濛  
人生榮悴苦難必豔春肯發年年叢

餘舫聽雨同受銘作

草長頽垣窳揜門淒風冷雨易黃昏映簾冉冉飛愁細滴  
瓦淅淅攪夢籛警憶專場錐已鈍飽經怪舌猶存篝燈  
共遣無眠夜一蟲還從絮襖捫

登樓小飲呈同席諸君

晚日垂光淺高花聚頂明樓牕凝遠目溪水蕩新情桑竹  
綠郊有畊漁並舍成不嫌家釀薄數與瓦盆傾

謝謝卓亭贈石印章

凍玉青田劖已慳芙蓉巖骨近多頑勞君骨董門前得落

手黃金直百錢

懷從子倫鑑蘓州

暖日柳花鬆長洲草色濃興時  
蘭漿撥吟處錦囊從短簿  
祠前石寒山夜半鐘新愁多  
觸忤莫遣酒杯慵

桐谿草堂遣興

獨處愁生髻連朝水浸扉漸看  
榆莢大已覺藥苗肥脆滑  
鸞調舌輕明蝶曬衣逞荒慵不  
翦好事那相違

遊靈隱同受銘賦四首

南山路未踏且與尋北山陰九  
里松澗水流淨潺湲過橋  
寺門見弗藉藤蘿攀

湖邊花減色山中樹已陰烟雲  
况繚之臺殿相高深風鈴  
靜無語自下齋堂禽

謙谷集卷六

三

何來竺國峰飛來不飛去下洞  
雲吐納陰林泉沮洳誰歟  
宋平章苔蝕題名處

嶙峋理公塢兀立斜陽肅憑憑  
何處雷法鼓動天竺欲觀  
滄海月更上韜光宿

坐冷泉亭汲泉煮茶

泉韻竹之清泉色雪之潔峰陰  
萬古冷非竹亦非雪虛亭  
人影悄落日雲光徹汲煎了  
真意不在冰芽啜青天此間  
靜林鳥六時悅日來泉上坐  
安得塵心熱

湖上看綠陰四首

長堤不雨曉漠漠萬樹扶頭  
午未醒記誦王孫詞句好  
荒烟一抹是西冷

深愁濃恨總難銷裏外湖風  
棟子飄渲染一灣偏最認黃

琉璃瓦赤欄橋

紅滿枝餘綠滿枝杭州春到斷腸時香山老去花成霧杜牧重來髣髴有絲

鷺鷥燕燕故情踈寶馬何心趁犢車憐得箇人新病起惡寒深曳碧羅裾

飲五柳居聞鷺聯句

濃柳晴波上又曾高樓寶刹西兩人閒對酒筠四月靜聽鸛  
賸觸春心惱曾還驚午夢迷裳衣公子舊筠詩曲侍兒低  
一索真珠寫曾雙彎翠黛齊未愁蘓小妬筠頻換戴顛攜  
近席撩絲肉曾纏頭欠錦綈賽將羌笛弄筠嬌殺水風隄  
画板停螭舫曾香鞵駐玉蹠幾深欄角凭筠應豔榼邊題  
烟暗金梭嬾曾風清脆舌悽何知學蠻語筠漸欲避桑梯

謙谷集卷六

四

飛絮冷黏帽曾夕陽紅斂閨轉高仍箇箇筠坐濕太淒淒  
匱鏡窺青幔曾囊詩付小奚嚶嚶願求侶筠且莫醉如泥

送程葵田牧新寧

邊徼迢迢望雨霖許身應復比南金江迴銅柱連交趾戶  
有秦風屬桂林琴鶴豈煩留滯久峒溪端賴撫綏深蹲獅  
石古雲生洞暇日題名在壑陰

北郭即事二首

沙棠舟小倚訶臺一曲休催細步迴玲重玉顏憔悴甚槐  
風梅雨見君來

冶情不合為春酣奈此花枝作意愁金縷歌殘歸路杳月  
明今夕夢湖南



璉市四首

朝烟一抹樹頭濃，略約橫斜野水重。安得人家都插柳，更於缺處種芙蓉。

白練鳥飛深竹園，石榴花溼墮籬根。二桑葉未蠶初罷，煮藕烟清竝舍溫。

小樓陰合太湖雲，條忽村西漏夕曛。梅子黃時常得雨，擊絛未見出紅裙。

菱角雞頭漸滿汀，溪翁花事尚丁寧。輸他小圃添高閣，近對含山一朵青。

懷陳只亭

聞說山人不出山，琴牀酒庫對孱顏。天邊瀑布當階澗，花裏柴扉鎮日關。陽羨結隣田未買，淮南招隱桂從攀。乘秋擬喚錢江權，柳栗同携華頂間。

謙谷集卷六

五

擬喚錢江權，柳栗同携華頂間。

偶然作三首

茅容適畔野避雨，休樹陰衆皆夷踞。對容坐獨危襟，林宗行見之與語。心相欽，借歸因止宿。夕景厨炊深，綾雞疑饌。客供母乃罄，枕湏災菜蔬。設飯客酒缺，斟林宗為起拜。感歎殊難禁，賢哉容也。孝遺像合鑄金。

聖不守小節，守之為善人。通介克有常，孰與徐公真。周燮粟自給，陂田勤厥身。鄙文鹿不賣，以語其鄉隣。霜明與雪淨，志行凌高旻。寧妨入州府，斯可長賤貧。

畢卓吏部郎嗜飲，無今情拍浮。酒池中便欲了一生，鄭泉五百斛。願值閒居傾酒，或升斗減。必使隨滿盈，昔賢動多癖。所癖殊自清，酒國盡春氣。安從憂患櫻，少陵歌八仙。醉

墨騰光晶太白有至語飲者留其名

懷偶圃高安

百里初分髻髮蒼好花催種卽河陽極知錦水看筠翠也  
勝楓亭擘荔香偶圃初南郭酒人隨雨散東軒秋月為君  
涼神明此日西江宰碧落山頭一鳳凰

過冲之飲二首

菊秀蘭衰桂尚含新涼芳谷許幽探最憐紅玉飛輕琰又  
報黃泥坼小壩

竹風掃几頻看画梧月窺牕謾讀書江海身閒今老矣祇  
應先築醉鄉居

寄酬受銘西江代書詩三十韻

席門事韜晦名早出里閨今歲始遠遊南風夏方半就別

謙谷集卷六

六

桐華堂出送皂林岬款語激危裘臨流發深歎蓬蒿貧亦  
得甘旨缺難逭矧劇門東帝拙甚閨中嬰故人筠陽宰相  
攜關書館南州實文藪恣取江山看丈夫賤無事芒屨行  
汗漫要須周海宇乃足窮壯觀昨朝寄書回勝獲錦繡段  
清詩三百字纍纍若珠貫理楫溯錢唐黃梅雨初散飢驅  
奚所惜求友隨飛翰桐君入嚴陵臺迥客星祭遂度玉龍  
脊躬子卧流汗洪濤彭蠡簸溽暑狂飈渙逾時到官廨地  
濕秋霖亂既嬰脚氣發頓促鄉心斷骨月故可懷忍久朋  
襟判一從別君後悠悠閱昏旦自嗤鄉曲拘戀棧失長算  
書來述歸思君爾我無憚出門歌路難今昔同悲惋西江  
何所有詩詠亦河漢君家滕閣上寂寞星霜換偉哉歐陽  
曾述作共條貫期君負攀躋未覺風流晏匡山瀑泉盛白

鹿麕麕竄儻挂九江颿孤吟峽橋畔

村酌

小店臨溪口青帘出樹梢菊花應比色君子與論交大斗  
酌須熱微風吹不滑吾州真味獨只合配山肴

玉磬

誰琢荆山璆為傳夷則音差得矩之半貞明比浮金霜威  
肅海國日色澄秋林靜中耶獨拊自寫幽人心古樂淪妙  
解遺響猶堪欽遐哉瑤池女一擊聞湘陰

得乳巢書却寄二首

獨居感時物彼美遊京師南飛有歸翼數寄長相思十贈  
不一報懶癖寡所宜未識故人心念我復何為前修志努  
力亦在少壯時悠悠壯多悔踽踽躬無儀嗟君勤令名五

謙谷集卷六

七

十髻已絲醉挾扶風豪氣蓋長安兒衆人孰不遇所望國  
士知韓公薦孟生此誼誰當規

御衙日夜秋宣武門南寓賴得賢主人僕賃適供具聞我  
同懷昆涼堂影時聚矧惟苔石交抗言更心素謂豫出門

貴多愜只此亦佳趣文酒益新知庶免鄉心忤故鄉難久  
居鬱鬱餘故步良友之四方宦遊從所慕駿蹏原絕奔鷄  
羽奚遠驚惻惻報所知落葉滿庭樹

懷坤一湖州

弁山青峭點霜新蘭佩菲菲刺意紉藥裹儘關多病日筇  
枝常趁獨吟身凌雲詞賦憐枯樹過雨汀洲采白蘋一片  
愁心緘不得駱駝橋下是通津

題茅丈渠眉五湖詩鈔後三首

曾觀日觀峰頭日又向瀟湘折蕙蘭西塞山前歸興晚釣  
絲風入髻絲寒

幾經舊雨幾前塵美酒吟花別占春可是香山老居士長  
爲元祐太平人

桐帽櫻鞵竹杖輕十年小住秀州城如何閒却英雄手更  
賭紅牙板拍殺

茅文嘗譜其家石民揔戎陶楚生  
西元青鳥記故事爲雙僊會樂府

雜詩四首

白露戒商節萬物咸禮肅鳴蜩尚抱柯歸燕已辭屋山中  
可伐薪原上早登穀幽襟亦何爲端坐愛松竹屏囂斷來  
軫味古勉開牘翠翹聲砌蘭綠莖挺籬菊寒歲有深期飭  
躬從所服

明經至丞相長孺與元成抱朴志高隱五典爲瑟箏進則

謙谷集卷六

八

榮在茲退則道以貞柰何媚學子蒞古馳縱橫向朗力刊  
誤及耄篇卷盈苟能隆述作豈競春林英

百家供剖判群言隨採摭堂皇禮樂制瑣細蟲魚釋將欲  
苦研覃必先勤考覈名山不易副塵事奚爲後浮生轉燭  
間榮悴一時迹我所思古人可與樂晨夕膠西董相帷蜀  
郡子雲宅刀筆置王充慶弔莫之迫

蒙叟吏漆園嚴生居卜肆豈不混光塵亦各隨所值漢陰  
灌可學谷口畊何累耶當樂琴書已足遠肥膩支公買印  
山詎必巢由類即境但遺形寧須製荷芟

破石

落景澹西麓一聲雲際鐘天寒人跡少自閉僧樓松高處  
眺東山東山青氣濃不見寶塢尖烟縷爲飛龍村鴉歸已

數溪雪意尚慵幽襟悅遐目即此留孤筇

壩城

高橋跨官路水勢交三叉炊烟成小聚土壁茅簷斜古墩  
野廟立老樹風杈柯柳椿枯可纜我亦停輕艇空鉗問酒  
店水鯽來漁娃微醺敵寒氣任爾頽義車

陳葯斧見過

誰能嗜好各酸鹹冰雪來尋俗慮芟且與開樽看跋扈直  
須驚座署頭衙探春準蠟天台屐約我同飛浙水帆欲往  
未能惆悵在桃花紅候望投函

送鄭圃歸苔南

鸞鳳無棲似汎鷗云云苔雪入禾流天都共憶家江勝越  
角分誇寓客州花月滿時常鬪酒雪風寒處又歸舟玉梅

謙谷集卷六

九

翠竹蓬門裏想得清吟獨散愁

受銘題自西江以花瓷酒器見貽賦謝

自來墨客愛豪飲必矜酒具羅几筵呵除金玉貴陶埴仿  
古遠載浮梁船酒清器潔朋復冷更戒餽飢蒙董羶知音  
嗜麪若嗜菴腋風豈不輕如僊故人昨返豫章檣赫蹠導  
以尊壺先青花玉質瑩而綴贈我貯酒榭花前殷勤重自  
素心手物微未可狂呼傳官哥柴汝此其亞摩挲短晝三  
回旋蓬萊盞寶適之汰君房或苦螺蛳蚌雲壘山觚銅有  
臭玻瓈琥珀徒紛然鴟夷皮相巨能受葫蘆竹根精可憐  
那如雲英親捧物儉方養德洗滌便林鴉無聲溪欲雪擊  
音休阻水灘堅牀頭甕雲暖同撥為君細誦匡廬篇

寄題芭君就鷗閣

勒  
音的馬鞭也

丈夫五十不稱意隨分山澤行歸休君家兩峰臨谷水巖  
壑位置天然幽昨朝展脫市門宅載將家具盈扁舟灣灣  
指點水烟處早有蘆舍親閒鷗妻孥歡喜僮僕怪冰雪慘  
淡囂塵收罟師釣師問訊及書庫酒庫東西投籬梅老含  
冰藥細坼柳枯挂風絲柔主人機心了無着日坐水閣吟  
詩適三三兩兩檻前浴群群隊隊飢來遊鷗耶人耶舊相  
識倡予和汝今相求榮名百年笑羈勒乾坤轉眼隨泡漚  
萍漂梗汎矧多懼鷺猜鳧狎終何愁漫言朱鳳集阿閣風  
知吾道歸滄洲苔磯有席許分坐歲寒盟在同綢繆

季父幼耽吟咏二十後詣益精進一篇之成稟凡屢易嘗  
謂張炎論填詞貴善改惟詩亦然蓋吟安一字雖少陵亦  
難之矣好山水友朋而寡交遊乏登陟閒居鍵戶感興輒  
書顧歛然弗輕示人又復隨手刊落今春多暇乃盡檢舊  
篋斷自雍正壬子十八歲迄乾隆壬戌總十一年之作命  
璐編次之將繕寫成帙就審音君子而是正焉璐因固請  
剖劂季父亦弗能卻也遂釐爲六卷凡古今體四百六十  
首百鍊之餘精金斯在世有賞音者當自辨之癸亥四月  
從子璐拜手謹跋

謙谷集後序



